

PRAVILNIK

O NAKNADI PUTNIH TROŠKOVA OSIGURANIKA FONDA
ZDRAVSTVENOG OSIGURANJA BRČKO DISTRIKTA BiH

Upravni odbor Fonda zdravstvenog osiguranja Brčko distrikta Bosne i Hercegovine, na osnovu člana 42 stav (2) Zakona o zdravstvenom osiguranju Brčko distrikta Bosne i Hercegovine ("Službeni glasnik Brčko distrikta BiH", broj: 1/02, 7/02 i 19/07) i člana 13 stav (1) tačka f) Statuta Fonda zdravstvenog osiguranja Brčko distrikta BiH ("Službeni glasnik Brčko distrikta BiH", broj: 17/07), na XVI redovnoj sjednici održanoj 22.04.2008. godine, donosi

PRAVILNIK

O NAKNADI PUTNIH TROŠKOVA OSIGURANIKA FONDA ZDRAVSTVENOG OSIGURANJA BRČKO DISTRIKTA BiH

Član 1 (Predmet)

Ovim Pravilnikom utvrđuju se kriterijumi i način korišćenja naknade troškova prevoza osiguranika Fonda zdravstvenog osiguranja Brčko distrikta Bosne i Hercegovine (u daljem tekstu: Fond).

Član 2 (Obveznik plaćanja naknade troškova prevoza)

Naknada troškova prevoza koji su u vezi sa zdravstvenom zaštitom isplaćuju se osiguranicima na teret Fonda.

Član 3 (Korisnici naknade troškova prevoza i kriterijumi za utvrđivanje prava na naknadu)

(1) Osiguranom licu, u skladu sa odredbama Zakona o zdravstvenom osiguranju Brčko distrikta BiH (u daljem tekstu: Zakon) i ovog Pravilnika pripada pravo na naknadu troškova prevoza ako je zbog korišćenja zdravstvene zaštite iz obaveznog zdravstvenog osiguranja Rješenjem Fonda upućen iz mjesta njegovog prebivališta, odnosno boravka, (u daljem tekstu: mjesto polaska) u ugovornu zdravstvenu ustanovu u drugo mjesto (u daljem tekstu: mjesto upućivanja) pod sljedećim kriterijumima:

- a) da je udaljenost od mjesta polaska do mjesta upućivanja veća od 30 kilometara,
- b) da je doktor specijalista određene grane, odnosno stomatologije, potvrdio svojim nalazom da je izvršio traženi pregled, dijagnostičku pretragu ili postupak i
- c) da je zahtjev za isplaćivanje naknade troškova prevoza podnijet najkasnije u roku od šest mjeseci od dana nastanka troškova.

(2) Naknada troškova prevoza pripada i pratiocu osiguranog lica kada je po ocjeni ljekarske komisije Fonda potreban pratilac.

Član 4 (Način utvrđivanja naknade prevoza)

(1) Naknada troškova prevoza iz člana 3 ovog Pravilnika priznaje se u visini od 15% cijene litra benzina evrosupera 95 oktana po pređenom kilometru najkraćom relacijom od mjesta polaska do mjesta upućivanja.

(2) Cijena litra benzina iz stava (1) ovog člana određuje se na osnovu cijena iz Ugovora o nabavci naftnih derivata za potrebe Brčko distrikta BiH.

(3) Najkraća relacija od mjesta polaska do mjesta upućivanja utvrđuje se na osnovu podataka iz elektronskih karata Evrope definisanih programom *Route 66 2003 version: 3.3.0.0.*

Član 5

(Podnošenje zahtjeva)

(1) Korisnik naknade troškova prevoza iz člana 3 ovog Pravilnika u zahtjevu za naknadu troškova prevoza obavezno navodi:

- a) ime i prezime;
- b) ime jednog roditelja;
- c) adresu i broj telefona;
- d) naziv i mjesto zdravstvene ustanove u koju je upućen Rješenjem Fonda;
- e) datum podnošenja zahtjeva.

(2) Uz zahtjev za naknadu troškova prevoza obavezno se prilaže kopija otpusnog pisma ili kopija nalaza i mišljenja doktora specijaliste određene grane, odnosno stomatologije, kojim se potvrđuje da je izvršena zdravstvena usluga po Rješenju Fonda.

Član 6

(Rješavanje zahtjeva)

(1) Zahtjev za naknadu troškova prevoza rješava se u roku i na način utvrđen Zakonom o upravnom postupku Brčko distrikta BiH.

(2) Prilikom rješavanja zahtjeva utvrđuje se da li je podnosilac zahtjeva iz člana 5 ovog Pravilnika u zdravstvenu ustanovu upućen Rješenjem Fonda.

Član 6

(Žalba)

Na Rješenje Fonda o odobravanju/neodobravanju naknade troškova prevoza može se podnijeti žalba Apelacionoj komisiji Vlade Brčko distrikta BiH.

Član 7

(Nadzor nad primjenom Pravilnika)

(1) Nadležna služba Fonda provodi odredbe ovog Pravilnika, o čijem provođenju najmanje dva puta godišnje dostavlja izvještaj direktoru Fonda.

(2) Nadzor nad primjenom ovog Pravilnika vrši šef nadležne službe i interni kontrolor.

Član 8

(Izmjene i dopune Pravilnika)

Izmjene i dopune ovog Pravilnika vrše se po postupku po kojem je i donesen.

Član 9

(Stupanje na snagu)

Ovaj Pravilnik stupa na snagu danom donošenja.

U Brčkom, 22.04.2008. godine

Broj:015-180/7-000022/08

Predsjednik Upravnog odbora
Fonda zdravstvenog osiguranja
Brčko distrikta Bosne i Hercegovine


Safet Rizvanović, dipl.oec.